

太上玄靈北斗本命延生真經註解

崆峒山玄元真人註解并頌

太者至極也上者崇高也玄者幽遠也靈者神用也北斗者運行之機要也本命者元來之性也延生者長存不壞也真經者進通真妙之徑路也○大取大聖天真垂訓誘化世人窮通有漏究竟無爲內使冲和外合機要變化飛昇遊晏玉京矣奈何世人迷惑真道恣縱貪癡三業齊生六情並起三業者貪嗔癡也六情者眼耳鼻舌身意是也既起三業六情則生障礙既有障礙則生煩惱既有煩惱種種纏縛轉乖真趣意馬顛狂心猿奔竄散失靈源敗壞真炁罪積邱山善無塵露南辰減算北斗除年死入酆都受諸痛苦劒樹刀山鑊湯爐炭拷掠無停悲號莫息眷屬空啼親姻謾泣直饒品貴封侯任使富豪敵國贏得獨受恓惶到此盡皆何益爭知辯其濁而曉其清抱其真而歸其一

頌曰

太上真詮度世迷

破邪歸正戒貪癡

暫時緣假情非樂

元舊家鄉景最奇

幾縷曉煙橫遠嶺

一彎斜月照寒池

欲知本命延生理

悟取玄元造化機

爾時

道藏輯要

北斗延生經註解

三

斗集二
川上三

太上老君以永壽元年正月七日在太清境上太極宮中

爾時者卽此時也太上老君者乃天地之祖萬法之宗聖德
巍巍莫可測也以永壽元年正月七日者杳冥之中劫壤長
存本無期數強以歷名在太清境上太極宮中者逍遙之界
自在之鄉玉殿巍巍瓊樓森聳金碧燦爛霞彩流輝於是我
太上老君居其所而萬神衛之但世人只知太上老君在碧
落之上不知只在人身中矣故云自己三清何勞外覓

頌曰

大道幽微莫可窮

就中深隱妙玄功

豈須雲外求真覺

但向身中覓祖風

道藏輯要

北斗延生經註解

三

斗集二
八〇三

識得舊時來者路

從他花木任成叢

修之不取如斯理

掬水招蟾到底空

觀見眾生億劫漂沉周回生死

且夫眾生本與天地齊功聖賢同體悟則爲聖人迷則是凡
夫○大眾悟者悟真常之妙用奪天地之變通保真養性鍊
魄澄神空其心而意甯絕其慾而神清萬物不著一心無漏
行滿功成自在无爲逍遙於物外矣迷者爲迷其真覺之性
也仗父母動靜之和炁託陰陽造化之精源投胎假像氣蒲
形全十月數足乃生化爲人矣旣又得箇四大五蘊假合幻
化色身纔曉東西漸分南北又早眼觀邪色耳聽邪聲舌了

邪味鼻聞邪聲意含迷欲心起愛憎用則是非動生曲味種
諸惡根受報三塗倍切漂沉輪迴生死矣於是太上老君開
大神通眼放大神通光明觀見眾生流浪生死無有盡期故
以發哀愍心廣垂直教爲度世之舟航使眾生悟無相之相
認無形之形庶得長生自在永息於輪迴矣

頌曰

本來容貌豈迴輪

只爲貪癡入夢頻

幸是壺天含混沌

忍教心地起根塵

有無之內尋虛假

空色其中覓的真

歸去故鄉風景好

野花啼鳥綠楊春

道藏輯要

北斗延生經註解

西

斗集二

或居人道或在中華或生夷狄之中或生蠻戎之內或富或貴
或賤或貧暫假因緣墮於地獄

蓋以爲眾生量其緣業隨果受生或生於中國或生於蠻夷
或居富豪長者之家或在貧窮下賤之戶暫得爲人多有從
其所欲不自覺知縱情作過恣意爲非三尸儘自般調六賊
任從唆狹○大凡貪財好色口是心非嫉妬賢欺天罔地
不忠不孝不實不信損於賢良害於溫善犯天地禁戒違真
聖科條探巢破卵殺害眾生造諸罪愆無時自省化身中三
萬六千神變作八萬四千塵勞業火焚身禍無由免四大五
蘊盡逐地水火風而散唯有悠悠窮魂爲在日暫假因緣貪

迷不省墮於無間之獄而豈不知哀哉乎但人生堂堂六尺之軀空凭沈湎羅縵結束華裝愛護其體誰是肯保真養命鍊性存神底故我天尊垂其經法引導眾生速令頓解悟入無爲之妙矣

頌曰

春日壺天景最長

雨晴煙暖麗風光

可鄰新燕來華屋

卻笑遊蜂逐暗香

綽綽芳葩明小圃

絲絲嫩柳拂橫塘

堪嗟無限韶華景

蝶戲蜂遊弄翅狂

爲無定故罪業牽纏魂繫陰司受苦滿足人道將違生居畜獸

道藏輯要

北斗經生經註解

五

斗集二

之中或生禽蟲之屬轉乖人道難復人身如此沉淪不自知覺爲先世迷真之故受此輪迴

且夫天堂地獄皆在人之所行矣故曰善惡無門惟人自召若人在世能積其善者則天地覆載日月照臨鬼神欽禮眞聖護門既然得眞聖護祐後則福慶臻身禍殃遠體乃爲智人列名於玉清矣○大眾但世人不省萬物之中唯人最貴如何是唯人最貴能奪天地之機解測陰陽之理通幽究玄道達眞理得道昇仙唯人可達矣但人生不知自身中有如此之聖只恁無端狂妄所作放蕩六欲七情恣縱十惡五逆不敬三光辱於九祖以日累月罪積如山魂繫陰司受諸痛

苦豈分晝夜萬死千生無由出離直待受苦滿足暫得超生
卻墮於餓鬼傍生駝驢象馬禽蟲之屬如此沉淪永失於人
身矣嗚呼爲迷無益狂非事故棄真如別掛皮

頌曰

只爲無端智太愚

致令魂識繫酆都

陰官攝問空悲噎

獄卒凌待謾嘆吁

縱得暫時離地府

將違舊徑別形軀

傷嗟訂在傍生裏

再望人身萬劫無

乃以哀憫之心分身教化化身下降至於蜀都地神湧出扶一
玉局而作高座

道藏輯要

北斗延生經註解

三

斗集二

卽是太上爲歎眾生漂沉六趣受報三塗分身教化化身下
降至於蜀都其時日月不轉星辰停輪天地肅清河海晏然
於是地神湧出扶一玉局而作高座○大眾此義何爲也蓋
因非有罪之聖賢無無罪之凡夫闡大威神之力使眾生不
種罪根悟其大道爲大道无形无名无以卓望難爲言說故
立此論法故太極真人頌曰大道雖無心可以有情求是也
乃以哀憫之心分爲教化化身下降者但眾生能發哀憫之
心便是也○大眾如何可說太上卻又眾生是也國雖有律
犯而禍及於身人所無愆刑乃豈繫於體但能省非改過不
造罪愆則萬禍不侵豈不然乎哉故度人經云爾不樂仙道

三界那得過其欲轉五道我當復奈何是也至於蜀都者若
論世說蜀都昔是帝王所居之地也乃山河之宗祖實宇宙
之紀綱幹運於天下變化於魚龍昔爲都時是也若論道說
蜀都乃是身心也故九老集真論云太平風月皇都景諸國
來朝賀聖恩是也心比著帝王身諭著蜀都心若正兮百骸
暢悅萬神和榮心若邪兮三尸奪命六賊欺公禍罹厥體則
流浪於輪迴矣地神湧出者是心地發意也扶一玉局者乃
天真之寶位也但能發心建意不造邪見不種罪咎參求大
道之門頓悟無爲之性不迷六欲之愆得證十華之位逍遙
物外與道合真矣

道藏輯要

北斗延生經註解

三

斗集二

頌曰

莫閑青霄路不通 幻身須信轉頭空
休言取次達玄理 不辦真誠謾設功
慷慨撞開生死戶 英雄跳出繫囚籠
逍遙物外無爲客 日月擒來掌握中
於是老君昇玉局坐授與天師北斗本命經訣廣宣要法普濟
眾生

是時太上老君昇玉局而坐演三乘教法說北斗本命延生
之妙理授與天師開化羣品咸令悟道者也○大眾且夫眾
生悉縱七情有罪愆而有地獄貪迷五欲無妙果而無天堂

自不知覺於三毒十惡之中沉溺愛河流浪生死是故太上
說此真經化導世人不生邪見於朝暮之間無論他非常搜
已過劉銳戒言自當懺悔用法水而洗滌塵勞磨寶鑑而照
明這箇清淨身心體合道用元神居於丹闕慧光照於玉山
四大俱安百骸自理內外虛明上下寂照陰陽交媾往來無
窮混成一炁鍊就大丹變化飛昇玄玄莫測也凡質既然合
道用聖功休慮不能成

頌曰

鍊就丹砂體自然 圓通象外見壺天
利名總是他家事 道德都爲我計緣

道藏輯要

北斗延生經註解

卷

下

斗集二

風定雨晴波漾碧 煙消雲散月華娟
靜中觀見莊嚴境 物物頭頭玄更玄

是時老君告天師曰人身難得中土難生假使得生正法難遇
竊以想死生輪迴之中於胎卵濕化之內或是深山或於荒
野或居草木或在江河猪狗牛馬驢騾業畜毒蟲猛獸虎豹
豺狼蝦蟇魚鼈水族諸類鳥獸飛禽種種形變六畜羣毛一
切傍生之類浩浩無邊豈知於數矣若人比及於禽獸則萬
中無喻其一焉○大厭等閑壞了汝不錯矣縱得箇人身生
於化外邊夷亦是有愆故居彼地汝等曾聞北海之外有一
國名曰婆耶其國中入夏居於山冬隱於穴寂寥衰草連天

瀟灑黃風捲地寒披毛葉遮身飢食禽蟲充腹仁義既無道德何知恣意縱情爲非作過難進於仙階易沉於鬼趣矣今既得居三教流行之國五常治政之邦中土生爲人者豈不是積德而至於此也縱得人身亦於中土多又執於邪見不遇正法強說聰明自誇已勝詐曉玄門謬通經法展轉沉迷不能見於道矣不識正真三教理又來塵世一遭休

頌曰

六道輪迴事可吁 且於方寸用工夫
耍猿縱後千般有 劣馬降時半件無
俗景混成秋夜月 根塵分付碧瓊壺

道藏輯要

北斗延生經註解

三

斗集二

家鄉咫尺風光好 拂袖呵呵進坦途

多迷真道多人邪宗多種罪根多諸巧詐多恣淫殺多好羣情多縱貪嗔多沉地獄多失人身如此等緣眾生不悟不知正道迷惑者多

皆爲眾生善根淺漏智識昏濁不肯忠於君不肯孝於親貧不守其分富不施其恩不求於善利不濟於困乏墮慢於三光拋擲於五穀但只區區向苦海之中貪財好色兀兀在牢籠之內競氣爭名不信罪福慳貪嫉妬殺害羣毛烹炮犬豕斷他生命自塞膿身倚勢豪強欺凌卑下啖嚼葷腥口出穢語談說是非動生兩見遇齋醮者起破壞之心見修真者發

不信之意種種無端昏迷智識多沉地獄多失人身不見正道唯入邪宗矣○大眾如何得見正道不著聲香味觸法不起慳貪殺盜淫發大智慧清淨身心內觀於六根四大五臟百神憑何便動這形骸仗甚後教他語話一息不來後四大撇然休

頌曰

分明身內隱玄微 休起慳貪著境迷
大道悟時真有興 世情省後只堪悲
莫因濁濫耽諸惡 且好清心變五衰
神性俱無塵垢染 廓開天地顯靈基

道藏輯要

北斗延生經註解

三 斗集二

我今哀見此等眾生故垂教法爲說良緣令使知道知身性命皆憑道生

且以聖人垂科千方萬便隨機設教立法度人咸令眾生悟其大道知天地萬物皆憑道生矣且夫大道從不有申而有於不無中而無信乎難言哉乃天地無形之時於清濁未判之際杳杳冥冥昏昏默默聽之而無聲視之而無形恍恍惚惚之中而有五大五太劫終結凝一炁化爲混沌又經九萬之劫其中漸生立黃於是元黃中理精養炁足激開混沌二炁潛分三才始立清炁凝而上浮爲天濁炁結而下沉爲地布日月星辰置山河海嶽寒暑推移陰陽昇降產生萬物莫

離大道也故清靜經云大道無名生育天地大道無形長養萬物是也然而天地乃道之子日月乃道之孫天地非精炁而不成日月非精炁而不明草木之精炁而致死人形竭精炁而不存故人不達於道道不離於人乃人身抱道與天地同體凡欲修真可秉天之用乃道則成矣陰符經云觀天之道執天之行盡矣凡學道之人但能觀天之用執天之行善矣好鍊陰魄而變作陽神收凡軀而換爲仙體

頌曰

會得從來萬法緣

含光寂照動幽玄

五行混出壺中景

七返烹成象外天

道藏輯要

北斗延生經註解

三

斗集二

默默金烏飛絳闕

綿綿玉兔翫輝蟾

誰知這箇真消息

不遇奇人未可傳

了悟此因長生人道種子不絕世世爲人不生無道之鄉不斷人之根本

如能發其上善之心戒諸惡根絕除人我填平愛欲之坑頓脫繫囚之索祛迴有漏之心覺悟無爲之性忻忻然乎哉○大眾悟其大道將來獲何妙果不經苦惱不入地獄百福潛臻千災蠲去所望遂成自然衣祿延承遐齡安居樂國故清靜經云上士悟之昇爲天官中士悟之南宮列仙下士悟之在世長年是也但眾生種於惡者則不生其福造其善者則

不起其殃且如發大高見頓開悟解思真念聖滌穢清心獲
无上之利益別人豈得你底受用好種於善功否故積善有
善果行惡有惡報又生神章經云善惡功過毫分無失是也
於前生今世過去未來見在三世胎卵濕化四生六道富貴
貧窮賢愚下賤餓鬼傍生駝驢象馬地獄天堂皆在人之所
積故儒書云積善之家必餘慶積不善之家必餘殃是
也思之好洗心向善念罪福因緣善惡報對如影隨形似谷
應聲嗟哉莫曲心邪見害他利已讒妬賢良冤仇結累好混
世和光同塵順義量力建功隨緣辦道常行方便濟物施恩
自然天以蓋之地以載之日月以照之鬼神以敬之永不生
混沌心

道藏輯要

北斗延生經註解

三

川文上

斗集二

頌曰

誰能頓覺慕玄微 慕到玄微得妙機
方信菊開征鴈亂 須知柳暗舞蜂稀
落花流水虛華夢 野鳥孤雲實可依
這箇幽棲宜早悟 青山門外慶雲飛
更能心修正道漸入仙宗永離輪迴超昇成道

但眾生常懷克己所作均平孝至於親忠至於君敬於天地
三光遵於古今賢聖溫良謹行恭讓義謙更能洗心向六欲

之中鍊性出五濁之外灰心養智隱跡韜光外滌其塵內保其神捉金晶於玉泉戰龍虎於丹鼎神水灌黃芽而百關俱通羊車載靈元而諸神盡悅清淨其形保愛其神如能若此者自無分別自無愛憎自無繫縛自無取捨自無去來自無梁著自無煩惱六欲不生三毒消滅永離輪迴超昇成於道矣○大眾思之本來無爲湛然虛寂卻煩惱障礙從何而生皆自六欲七情而起悟來爲十善行迷來變十惡業省則有智慧圓融逍遙無礙迷則煩惱顛倒妄想愚癡沉溺愛河流浪生死向六道內任波吒墮三途中獨受苦嗟乎好心修正道漸入仙宗鍊性保神益智靜心虛寂內外洞照玄明功行得就五老啟迎不分神形合道飛昇是乃永離輪迴超昇成道能如此者玄哉玄也

頌曰

回心祛已出塵籠

反樸歸真悟正宗

山色秀因昨夜雨

花英落爲曉來風

神光照處玄無極

慧化通時妙有功

法眼閃開真境界

一輪皓月正當空

我故示汝妙法令度天民歸真知命

且夫太上憫見眾生造諸惡業罪結酈都報對循環冤雠反覆展轉迷途流浪生死而乃垂其妙法故示天民令使知性

道藏輯要

北斗延生經註解

三

川又三

斗集二

知命歸真悟道矣○大眾性者何也命者何也從道受生謂之命掌握大道謂之性是知人命有限本性無生故老君曰有生必有死無死亦無生是也且如人生大限三萬六千日世間能幾七十春皆是起其諸惡智識昏亂於苦海迷津之內遑遑而輪轉無停向四生六道之中汲汲而競沉苦趣是因此之故而頻頻改頭換面思之從來真如之性自於無始已來幾曾有生有死爲是眾生迷惑失其本真昧其本性隨業力以昇騰量緣果而生滅如此後怎生得出於生死悟其真性歸於道矣但內觀其心外閉其門戒其慾淨其身邪可以正止可以行愛存於氣保養於神綿綿終日若亡若存道功無虧飛昇玉清豈不爲幸矣念太上萬法千方種種闡化立經教留科法爲明黑暗之寶珠作開天門之鎖鑰乃度世之舟航實登真之梯筈點化世人咸皆歸真見道矣思量聖人苦苦演化欲度眾生怎忍負於聖德矣好回光返照眞空境笑鬼哭神號不住停

頌曰

嗟哉六道路崎嶇	爭似回心悟大虛
決破箇中無內有	始知身內有中無
澄澄皓月臨江水	湛湛玄珠晃玉壺
但汝欲求超世事	直須宜下實工夫

道藏輯要

北斗延生經註解

卷一

斗集二

可以本命之日修齋設醮啟祝北斗三官五帝九府四司薦福
消災奏章懇願

凡世人能於本命之日肅嚴淨宇露布香燈廣陳法事志心
投告進表達詞啟祝北斗本命諸神請福祈恩變災爲慶以
濟世人矣乃太上憫眾生漂流苦海沉溺迷津生復生兮三
途出沒死更死兮六道奔波特以垂世經文引歸正路若能
於甲子本命及諸齋辰穀旦澄心潔已誓盟九清省於前非
戒於後過啟祝自己身中本命元神庶得消愆散禍去否迎
祥如何啟祝自己本命元神但只向自己本心齋戒改過遷
善便是也齋醮者齋是戒心醮是誠意洗滌身心自能悔過

道藏輯要

北斗延生經註解

三

人人

斗集二

方可獲福矣故有頌云自家心病自家醫是也如何是自己
身中元神蓋天有北斗人身亦有天有三官五帝人身亦有
九府四司人身皆然蓋人身亦有北斗者乃心也斗能運轉
四時旋行眾曜心能斡旋萬化總領百神故曰北斗者心也
三官者乃是三魂也五帝者卽五臟之神也九府者九竅也
四司者四肢也若能攝養三魂調和五臟降伏九竅保運四
肢不著塵境斷絕俗情明了玄微清虛智識洞照無礙飛行
物外到這門庭請福祈恩豈不妙哉者也故聖人立此有相
之外緣引證無爲之內照咄這般消息君還曉點破青霄萬

象閑

頌曰

回心返照滅塵緣

悟得元來見自然

三界空花飛世境

九清丹桂隱幽玄

道心還若波中月

法性應如火內蓮

切瑗洞觀無一物

青山依舊聳遙天

虔誠獻禮種種香花時新五果隨世威儀清淨壇宇法天像地
或於觀宇或在家庭隨力建功請行法事功德深重不可具陳
念此

大聖北斗七元真君名號當得罪業消除災愆洗蕩福壽資命
善果臻身

道藏輯要

北斗延生經註解

三

川三

斗集二

夫冰炭不可以同爐賢愚豈可以並居冰炭不同爐因本性
兩異賢愚不並居爲見觀各殊冰不自知而凍結炭不自知
而炎成賢不言而智清愚不言而智濁賢者常懷義禮唯恐
傷於彼愚者每行不仁猶恨損其身哀哉愚輩乎故尙書云
吉人爲善惟日不足凶人爲不善亦惟日不足是也夫在世
眾生愚癡不省種種爲愆豈知善惡皆天官記錄分毫無失
矣是知行及三千超汝爲仙若罪盈八百命應促滅向酆都
獨受於辛酸累子孫定招於困篤嗚呼於是我太上爲嘆十
洲三島路上寂寂六道四生途中冗冗故以經說因緣科垂
報對俾賢者進於善使愚者戒其惡是以方便隨機教化愚

昧立此科格定其禁戒凡有惑心欲求悔過令眾生清淨壇
場肅嚴法席羅列香花陳獻時果請行法事隨力建功乃得
功德垂深而不可陳述也是知大道於虛死中而有且以本
性於不死中而无孰能指說哉故生天得道經云杳杳冥冥
清靜道昏昏默默太虛蹤體性湛然無所住色心都寂一真
宗是也故知非邪不顯其正無假豈辨於真說此妙法點化
眾生知其善惡因緣不可縱意爲非不可恣情作過方漸入
於妙門庶得悟其道用物外玄微豈出於方寸者也咄只因
不識元初相綰住真空直至今

頌曰

道藏輯要

北斗延生經註解

三

斗集二
川人

絕除情慾乃修真

肯辦修真自出塵

名利是非宜與恨

松風皓月可爲鄰

直須打破幻中影

卻保從來身外身

借問世間學道者

休因色相起疎親

凡有急難可以焚香誦經尅期安泰於是說大聖北斗解厄應
驗曰

大聖北斗七元君能解三災厄

頌曰

六緣味觸與聲香

化出三災患禍長

空笑蜃樓生海角

卻迷鴈字遠穹蒼

不知物假因何物

須信良由可自量

剛向野溪雲影裏

盤桓無語立斜陽

大聖北斗七元君能解四煞厄

頌曰

六塵多爲不能除

四煞相刑起患虞

既是惟邪降未得

自然魅鬼鬪欺誣

狂風斷送庭前菊

驟雨摧殘江畔蘆

空恨這般瀟灑事

劫終劫始現還無

大聖北斗七元君能解五行厄

頌曰

道藏輯要

北斗延生經註解

天

斗集二

須識元初舊主公

神形高出五行中

鬱羅本豈白雲鎖

苑藪何曾綠水通

萬法謾然唯古月

千年應是只宗風

有爲有相多端異

不昧觀空方見空

大聖北斗七元君能解六害厄

頌曰

七元大聖智通幽

六害緣何敢出頭

風掃暮雲山不動

月沉寒浪水湍流

空因實相知真相

塵覩貪憂覺幻憂

但肯日時生鑑戒

自然光滿四神州

大聖北斗七元君能解七傷厄

頌曰

寶臺玉府道含真 七賊駸尋鬪損因

風樹只堪驚好夢 月溪實可恣閑行

鍊丹不在金和玉 保性休迷濁共清

但要心頭諸濁息 自然火內碧蓮生

大聖北斗七元君能解八難厄

頌曰

頑性皆因逐世囂 幻生八難受煎熬

不知形體來憑限 須信年光去莫逃

道藏輯要

北斗延生經註解

卷

斗集二

忍起一心迷愛慾 卻甘百禍苦籠牢

罪成懺悔何堪倚 寶鑑頻磨無半毫

大聖北斗七元君能解九星厄

頌曰

否泰交宮豈解憂 九星那肯降愆尤

都緣一點靈明暗 放縱羣魔競出頭

別了故園無意戀 卻迷幻樂苦貪求

問君不脫纏身索 神性何時得自由

大聖北斗七元君能解夫妻厄

頌曰

配合誰知隱大羅 鍊時當要束羣魔

陰陽暫得歸元路 神性應須出愛河

翠嶺夜觀山月秀 碧溪曉覺海風和

堪嗟未悟狂徒子 不顧真空濫者多

大聖北斗七元君能解男女厄

頌曰

靈明元本不差殊 相貌隨因則異途

水漫雲寒波自凍 日昇煙煖凍還無

寂然幸是常清靜 智性須教惹慮虞

只恐失其真妙理 閻浮往復廢工夫

道藏輯要

北斗延生經註解

早

斗集二

大聖北斗七元君能解產生厄

頌曰

識因迷復昧塵埃 諸漏情開道不諧

幼去老回衰幻相 出重還入假形骸

輪迴創盡莊嚴境 濁穢遮交寶鏡臺

今勸世間真上士 好修無去亦無來

大聖北斗七元君能解復連厄

頌曰

神性無爲無繫囚 復連非累自何由

物華不識元同異 眞理埋蒙便未周

八苦競來生障礙
十纏并湊起驚憂
也知似恁何方晚
祛已迴頭一例休

大聖北斗七元君能解疫癘厄

頌曰

炎涼風雪去還來
斷送殘軀結眾災
攝養不知調暢理
貪癡甘分損形骸
六賊偷耗圓光少
五鬼津般疫禍催
除是自真開大聖
扶危脫患拯輪迴

大聖北斗七元君能解疾病厄

頌曰

道藏輯要

北斗延生經註解

望

1188

斗集二

凡夫欲要出塵泥
自病休教用彼醫
心地不能除執見
口談真教濟何爲
鏡前未到元無跡
月下雲生本亦輝
中道兩邊都不立
笑歸巖畔指寒溪
大聖北斗七元君能解精邪厄

頌曰

頑心不肯滅諸緣
塵界精邪鬪見前
眞靜道玄增日滅
癡貪俗樂轉時怜
形容漸次衰華寧
神水偷那損玉田
爭似省知煙月事
保存正炁壯童年

大聖北斗七元君能解虎狼厄

頌曰

玄元妙道太幽微

樸散虛无誰得知

歷劫未常生與滅

迴黃應是醒還迷

秋天幸有無雲月

曲岸安詳恐污泥

伏虎擒龍端的處

也須真箇在男兒

大聖北斗七元君能解蟲蛇厄

頌曰

莫令元識換重更

性定諸塵自不生

猿馬得於煙嶺寐

蟲蛇儘縱迅雷驚

道藏輯要

北斗延生經註解

三

斗集二

春芳谷口鶯吟日

幽浦溪頭燕弄晴

對景自家承當得

萬山風月轉分明

大聖北斗七元君能解劫賊厄

頌曰

有誰預可制凶危

雲外玄玄乃得披

先地先天通正理

劫初劫壞自無期

廓明內外圓融事

覺照仙凡造化機

一戰卒然妖怪盡

耗賊縱跡渺無知

大聖北斗七元君能解枷棒厄

頌曰

縛住頑心不亂爲 三千刑憲自亡威

頓開妙覺金枷脫 大啟玄風玉杵摧

曉岸洞明仙隱隱 寒潭朗照月依依

教君會得高天理 苦樂元來只在伊

大聖北斗七元君能解橫死厄

頌曰

真覺圓融保混成 玄華上下廓然清

寶珠萬古光何暗 玉洞千開道本明

爲縱六根迷不悟 情開諸漏死還生

欲求高出輪迴徑 方寸靈明莫用輕

道藏輯要

北斗延生經註解

聖

斗集二

大聖北斗七元君能解咒誓厄

頌曰

滯網浮生不鍊修 苦迷幻化恣貪求

逍遙元相塵籠閉 無礙真靈慾極囚

惱至誓盟心樂道 事消還有道心休

驅驅碌碌迴輪走 問汝何時是徹頭

大聖北斗七元君能解天羅厄

頌曰

無爲真理去無蹤 皆是心迷路不通

亘古只因貪世欲 迄今縮住昧玄空

鶯吟那解楊梢綠

蝶舞甯知花葉紅

天殺天生恩害事

好求幽奧破昏蒙

大聖北斗七元君能解地網厄

頌曰

須知世慾患身多

好躍高情越網羅

貪愛遂心平地少

癡怪恣意轉成魔

坑深求出應勞力

未湏之時莫剎那

雲水煙濤從汗漫

小舟輕泛過迷河

大聖北斗七元君能解刀兵厄

頌曰

道藏輯要

北斗延生經註解

畧

斗集二
81

世上刀兵有幾般

是非叢裏謾相干

語言纔毀如鋒刃

心地含容便覺寬

一念改修祈度劫

坦然燈火也成寒

中天自有璇璣主

幹運扶持總不難

大聖北斗七元君能解水火厄

頌曰

慾海滔滔浩接天

炎炎業火解燒原

虛明湛寂清無浪

柔順寬容冷不煙

色相兩空心自靜

是非無染任隨緣

水升火降成真道

高架津梁濟大川

於是七元君 大聖善通靈 濟度諸厄難 超出苦眾生
若有急告者 持誦保安平 盡憑生百福 咸契於五行
三魂得安健 邪魅不能停 五方降真炁 萬福自來并
長生超八難 皆由奉七星 生生身自在 世世保神清
善似光中影 應如谷裏聲 三元神共護 萬聖眼同明
無災亦無障 永保道心甯

頌曰

降伏邪魔心自甯 七元大聖善通靈

常令性似無雲月 勿要情如有浪萍

外滌煩襟除點污 內磨玄鑒破昏冥

道藏輯要

北斗延生經註解

聖

斗集二

自然八難三災滅 影響皆由奉七星

老君曰北辰垂象而眾星拱之爲造化之樞機作人神之主宰
夫北辰垂象於蒼穹昭昭矣眾曜拱朝於帝座輝輝然是以
斗魁轉處萬象旋行默藏其用孰能知之但世間學道之人
往往盡登山涉水謾尋真而累歲無停訪友求師自不悟而
元神怎住唯只廣記歌詞多談詩頌到底來落箇何事終不
爲實矣便若習大道捉溪雲悟希夷扶身影豈能得成矣何
以觀天地而表大道於目前辯星斗而悟玄空於世外○大
眾如何是觀天地表大道辯星斗悟玄空是乃天地各秉清
濁日月運行陰陽升降遷變四時殺生萬物道合自然而然

故謂觀天地表大道矣乃北斗高懸碧落運度隨時經纏應
物總領羣星韜潛萬景造化妙立是爲辯斗星悟立空矣是
以聖德貫於天上地下造化萬物若斗不轉而萬類不能成
矣豈不思惟浩浩然若眾生能行此法而道功萬無一失矣
行道之功的然成得矣曾聞之北極立神號曰真武昔於龍
漢劫間誓盟北斗以爲師範後武當山道功成就白日飛昇
矣爲世人不悟此法自真君行而得道之後更不復有繼踵
者也咄廓然別箇真幽理不在雲山深處尋

頌曰

造化原來在目前 道非海外隱幽玄

道藏輯要

北斗延生經註解

契

斗集二
ノ一三

悟時物物都爲用

迷則頭頭總是惑

風緊水深應有浪

雨餘山遠不無煙

桂輪高掛晴空碧

處處圓明現自然

宣威三界統御萬靈判人間善惡之期司陰府是非之目

且夫道乃性之要性乃道之機凡欲學道先須見性是以性
靜天之道也情動物之感也但眾生本來之性因愛物而動
情爲迷邪而失正皆不能行於大道慎於諸惡亦不能寂寥
度日淡薄隨緣志若寒灰性如朽木但被世間人我利名是
非榮辱六慾七情貪嗔癡怒不顧罪根廣施狡猾縱害彼執
以爲能但欺心取之爲益豈思若愛河中沉在深波向死生

內輪迴受苦○大眾爭及執一而不亂於心抱一而不離於道如何得守於道是以大道視之無形聽之無聲非可以爲有四時順此萬物稟生未可以爲無故消災經云無無有無有有無有是也實乃非有非無至剛至大細入微塵大包天地且陰陽因而則寒暑日月因而則運行人以因而則靈體以因而則動是乃天地萬化皆不出於大道矣若此一著如何下手但觀陰陽之機要察造化之變通自然體合大道之理也又孔子云觀其所由察其所安義同一也若眾生不著邪見不造愆非精白一心皈依斗極則無不感應矣北斗爲喉舌之司幹旋萬化宰制羣靈斗中有司非司危司罰司過之神以掌考罰有延壽益算解厄上生之神以錄功勳倘一念改修則延生注福而神默佑之矣乃得自在無爲逍遙三界變化玉清飛騰金闕大妙玄玄豈不樂哉咄好以捨愛欲而悟法門戒貪嗔而登大道

頌曰

世間皆由利名叢

昧了元來舊祖宗

謾恁行緣多露布

卻將妙用轉踈慵

澄澄綠水迷高漢

渺渺白雲障遠峯

夜靜只聞漁叟笛

蓼花相映不知蹤

五行共稟七政同科有回死注生之功有消災度厄之力上至

道藏輯要

北斗延生經註解

畢

斗集二

帝王下及庶人尊卑雖則殊途命分俱無差別

乃天地萬化皆爲之一化也是以萬物之源皆非道而莫能
生也且天地星宿日月風雲雷雨露河海淵源邱陵山嶽
草木芳花田禾稼穡五行七政陰陽遷變寒暑往來人身品
類一切情物皆憑虛无自然冲和太一之炁並得以生成矣
○大眾但世人皆不思內真雖著外境忘真失道貪愛縱情
豈想無百歲之光陰作千年之體調嗚呼迷惑者也嘆世間
之人皆飾其室以爲身之宅不知身以爲神之室屋之頃頽
身乃無所隱身之有漏神以無所居又云休迷幻化境耗失
本來真且好寡慾絕念鍊性澄心每憂善之不及常恐過而
道藏輯要

北斗延生經註解

巽

斗集二

有從念道思真不生諸惡採和炁於丹田立仙階於紫府是
乃有迴生換死之功有消災度厄之力戰出苦輪逍遙物外
矣咄寒空月色無高下障礙除時處處明

頌曰

道本無形無論言

休於空裏辨因緣

柳陰貪翫鷓鴣語

蓼岸那知白鷺潛

荻葦幾多花落浦

波光千里浪迷天

晚來不覩魚舟過

空對斜陽度老年

凡夫在世迷謬者多不知身屬北斗命由天府有災有患不知
解謝之門祈福祈生莫曉皈依之路

竊以立二儀覆載默運於玄機化三才混成大開於妙用是以太極分判化清濁炁而爲天地之形大道變生積陰陽精而作日月之象萬象森羅羣情命物吹噓而不宰而宰橐籥而無爲而爲其道自然備矣且以人身四肢百骸所以動者心也乃知天地稟道而成則有生而有死人身因心而運則有吉而有凶在乎智人所行則可鑑善惡之召也夫心者神也神者性也性定則神安神安則心運使心運冲和正一之炁道合自然而已豈不爲樂哉○大凡且夫大道未成天地之象時上下虛寂內外寥廓孰可見而取之誰可得而言之且如人性未入於色身之日逍遙物外自在無爲何事得而

道藏輯要

北斗延生經註解

晃

斗集二

縈之何患得而損之皆是累劫至劫從迷至迷宛轉輪迴流浪生死死則入於地獄生則撞向胞胎得於誕免之後漸知世事早逐邪非失其真理不思只爲迷惑把本來無礙之性受在肉體之內有萬種禍患損惱其性尙猶不省問汝塵世有何榮樂乎但凡世眾生不知性合天地命同斗辰皆往往見善不從爲非競入遇虧盈之數不知攝養之方有延壽之科豈曉皈投之徑吁哉咄幸然有箇昇仙路爭奈貪迷逐浪流

頌曰

好憑智慧奮雄豪

反復清波出怒濤

常遣業根生善念 莫教仙經足荆蒿

澄湖雲散天涯遠 秀谷蟾升海角高

獨對寒江無限景 儘從雲惹衲來袍

致使魂神被繫禍患來纏或重病不痊或邪妖剋害連年困篤
累歲迢邐塚訟徵呼先亡復連

且夫天輔善而罰不仁故垂禍福之報人畏禍而喜迎福當
行仁善之因故天勸善兮必以用福人好福兮當以戒非但
世人不知天理但好福而不能行於善空畏禍而不能慎於
非如此之者欲望安居享福則未之有也但安居享福者皆
是曾施仁立善慎過戒非故然如是乃以禍福因緣善惡報

道藏輯要

北斗延生經註解

辛

斗集二

對無欺心害彼者久榮唯溫性克己者長慶分明公案只在
目前爭奈頑心不能決斷如何只在目前且如在世者勤求
而則富儉用而則豐不能勤求而儉用安得豐足乎好福而
積善畏禍而戒非不能積善而戒非何致安居哉但凡夫眾
生豈思善惡報對賞鑑分明但嫉妬慳貪迷真喪道只顧眼
前一時欺心狡倖不思他日萬種禍患臨身致使魂神被繫
禍患來纏病不愈而邪氣侵運不通而橫事起生兮煩惱死
則波吒何如滅心業而除身業悟體空而觀性空

頌曰

元來無物得稱名 只爲貪迷改變頻

逐樂不知爲患本

貪生那信作愆因

且須解放心頭鎖

洗去從前性上塵

好向冰淵宜緩步

失兮何日出沉淪

或上天譴責或下鬼訴誣若有此危厄如何救解急須投告北斗醮謝真君及轉真經認本命真君方獲安泰以致康榮更有深妙不可盡述

竊以天道無私所親者爲善禍福有報所感者在心是以爲善者福自近之作惡者禍不遠之夫九清大羅及三塗苦獄本自一心發爲兩事是知天道不負於眾生乃眾生有違於天道故禍福如形影之相逐實報對似循環而反覆○大眾

道藏輯要

北斗延生經註解

至

川文

斗集二

豈想賞罰如此分明因甚全然癡呆不省但只欺心狡倖每求自己之榮抱恨懷讐常妬他人之樂那信欲求自己福先當福與人害他求利已暗中損自身如有不信略問一言狡倖過人過得於天否若罪盈過滿致令上天之怒責下鬼之欺誣此時痛苦悔之何濟也嘆有此危厄如何救解但悚思之事急宜迴首戒貪嗔而起方便之心填坑壑而發平等之意修齋謝過精思念真認自己本命真君方獲安泰自得康榮如何得見自己本命真君咄休縱羣魔盜心鏡常教心鏡攝羣魔

頌曰

莫教這箇著羣魔

戰退三尸出網羅

苦海浪深宜上岸

愛河風緊早登坡

但能把住真空性

任是從他境界多

柳綠桃紅俱幻化

只堪低首笑呵呵

凡見北斗真形頂禮恭敬

且夫道本無形故育物而卽有物雖有象然抱道而本無是以有假而有真無真而無假乃道藏萬物之中悟則只於目下人執一方之外迷來何處搜尋凡欲學道如何行而見之但善者當從凡惡者宜退累行積功道合天理然後感遇明師引入無爲之法門得見玄玄之道矣是以善惡由於心也

道藏輯要

北斗延生經註解

卷

斗集二

玄理出於師也智須自我道因師指雖遇明師自智淺而不知深理然雖智善不假師而豈達玄微○大眾但欲學道先當從善退惡常以戒非旦暮不離於道矣時刻不亂於智矣如此行之道無不備矣又乃凡夫眾生多失真道何爲也因萬物外誘使五欲內荒逐樂貪生迷真失道故太上曰勿著外景使心不亂只緣眼前之幻景致令身後之禍殃寧不慎之乎見假者起真心遇真者去假意謂如凡見北斗真形頂禮恭敬者何也北斗者乃天之樞紐也真形者乃亘古不易之真像也頂禮恭敬者乃人之精誠敬奉也夫道不在遠求物物是道迷不能覺悟頭頭是迷乃聖人化眾生認物中之

真則大道於掌握而已故說法言使凡夫不生邪見不造愆
非演假顯真以度於未悟者也善惡之由皆心也但可行時
斟酌而行當止處三思而止依此進程實爲玄妙不亦宜乎
咄心業除時三業滅意魔起處百魔生

頌曰


壺中法相本寂寂 只爲從隨意下賊
出沒閻浮去與來 漂沉苦海曲還直
爭及頻悟故鄉景 却外雲山玄最極
欲識其間端的意 夜深江畔一聲笛


北斗第一陽明貪狼太星君 子生人屬之

道藏輯要

北斗延生經註解

斗集二
卷一
一
五






道藏輯要


北斗延年經註

卷二

斗集二

北斗第二陰精巨門元星君 丑亥人屬之






道藏輯要

北斗延生經註解

五

斗集二

北斗第三真人祿存真星君 寅戌生人屬之



道藏輯要

道藏輯要

北斗延生經註解


姜

斗集二

北斗第四玄冥文曲紐星君 卯酉生人屬之



正一天師洞弟子洪百堅 製作
道教學術資訊網



道藏輯要

北斗延生經註解

五七

斗集二

北斗第五丹元廉貞綱星君 辰申生人屬之



道藏輯要


道藏輯要

北斗延生經註解

卷

斗集二

北斗第六北極武曲紀星君已未人生屬之



齊星君


道藏輯要


北斗延生經註解

五

斗集二

北斗第七天關破軍闕星君 午生人屬之





道藏輯要

北斗延生經註解


卒

斗集二

北斗第八洞明外輔星君



北斗第九隱光內弼星君



道藏輯要

北斗延生經註解


全

斗集二

頌曰

誰知九竅表天罡
運幹靈臺變化機
忘意見生應降福
輕心落死自成非
默施丹闕通神德
高布玄山炳聖威
迴首碧空雲散處
寶珠燦燦顯光輝

上台虛精開德星君



道藏輯要

北斗延生經註解


卷

斗集二

中臺六淳司空星君



下臺曲生司錄星君



頌曰

道藏輯要

北斗延生經註解

卷二

攝養須當要絕塵

絕塵方可鍊神形

曲江雲靜月應白

幽谷煙消山自青

丹竈虎眠風颯颯

玉池龍戲水泠泠

三臺聖法適將扣

六鬼奔逃無處停

如是真君名號不可得聞凡有見聞能持念者皆道心深重宿
有善緣得聞持誦其功德力莫可稱量

且夫至聖道無親潤及於一切眾生智有等變異於萬端本
來面目元沒差殊善惡之因爲行雨露浩浩四生遑遑六道
難昇九清天易沉五夜地皆爲眾生貪愛愚癡故然如是也
且以浮生在世貪迷俗境不願真空以狡倖取爲能以欺心

務爲智以財利用爲榮以聲色樂爲樂遂致失其真道永劫輪迴但只舌如三寸剛刀尋尋損物意若十面埋伏念念羸人豈想天地鑑人如影隨形善惡之報禍福以迎○大眾又甯嘆人生幻體壽年七十其間夜消大半得一萬日其內憂患中分待有多少時光忍造愆業乃以人身大小腸爲江海兩目爲日月五臟爲五嶽頂圓像天足方像地天地秉道而生人身因道而長旣人身與天地同體爲何天地長存人身不固皆是天地抱道而甯人身敗道而動天地抱道而甯則陰陽交媾自然上下往來綿綿道合真一故然得長存矣且以人身敗道而動則損壞元陽敗虧道用喜怒哀嗔不守自

道藏輯要

北斗延生經註解

畜

斗集二

頌曰

真深迷外境陽魂消滅陰魄崢嶸不識抱道之理四大百關羣魔競毀安同天地之至堅固也故上智眾生得聞如是能開悟解持誦皈依者道心深重宿有善緣得遇我太上玄門真教脫免輪迴證登仙品永絕六道之恹惶超赴十洲之快樂出乎玄玄矣咄得遇玄門還不悟輪迴往復幾時休

玄門應是少知音 豈在雲濤深處尋
但得轉迴芳柳徑 自然現出碧煙岑
行觀嶺畔山花放 卧聽山前野鳥吟
此箇幽棲非遠路 悟來端的不離心

若正信男女值此真經智慧性圓道心開發出羣迷徑入希夷門歸奉真宗達生榮界

且夫或行於至道之門或涉於不善之徑所在乎心智也心省非而愆自滅智悟真兮道自生智不悟真空心執迷狂徑玄門真道何由得見哉當從於善而戒其非守於靜而離其動也靜內日月別有三山動中境界不無六道靜爲仙子出身之由動乃凡夫入夢之本出乎智人矣且一舉一措或是或非一思一念或邪或正是非可鑑邪正可辯矣於是非邪正之間好安詳下手○大眾誰可去曲邪而蕩蕩乎孰能飲道德而陶陶矣智者混俗世而慎非爲愚者遇道真而不正信儻若有正信善智之人值此真經智慧性圓道心開發出羣迷徑入希夷門歸奉真宗達生榮界矣又乃智慧性圓者智者目視萬物身在諸塵性不生亂心不有著乃爲智也慧者二儀道用三昧真空無幽不燭無化不通是爲慧也性者切終切始常在常存之神也圓者圓融覺照無礙洞觀之真也道心開發頓悟真道也自然出羣迷之徑入希夷之門歸奉真一之宗得達長生榮樂之界也所謂塵性不除三災並起道心開發六慾皆消

頌曰

法鏡融融隱寶臺

因循休待染塵埃

道藏輯要

北斗延生經註解

奎

斗集二

頓開妙道真清靜

撒脫迷途化樂哀

省得有爲緣有用

從教無去亦無來

道中消息如還悟

妙相神威越九垓

於三元八節本命生辰北斗下日嚴置壇場轉經齋醮依儀行道其福無邊世世生生不違真性不入邪見

夫鐵鑛雖頑因鍛鍊而爲器人心雖欲親道德而戒非鑛不鍊而終不成器人不修而終不成真是故憑匠師而方覺悟因道德而始知空道乃萬物之首德爲百行之源故道德之立立利周於一切凡夫眾生豈知其日用乎然道之無形但戒欲而可見雖德之有鑑非積善而不成慕道者不見其性

道藏輯要

北斗延生經註解

卷

六十六

斗集二

何以爲真立德者不修其行何以爲仁凡修道修德者當以清真守靜實腹虚心退己讓人恭尊克下若不取其則學道修真者終有廢矣且以未成道之日凡夫幻化色身性命之由爲是善惡不等禍福差殊皆屬天曹地府主宰官僚掌握性命有過而責罰有善而賞福既嘆如是好於八節三元生辰本命嚴肅清場轉經齋醮思真念道謝過祈恩其罪必除其福必降不違真性不入邪見使保天年得道長存也若溺邪見則迷真迷真則敗道敗道則罪生罪生則形喪嗚呼因寸心之狂亂墜人迷河信六賊之般調撞於業網何似鍊金丹之一粒脫幻化於四生則得逍遙物外與道合真自在玄

玄無障無礙

頌曰

體中別有太微神

神內圓融號香冥

視聽不知何相貌

通玄長是合靈真

依依桂月懸明鑑

鬱鬱松山倚翠屏

山月高低俱不礙

洞然無物兩忘形

持經之人常持誦七元真君所屬尊號善功圓滿亦降吉祥

解曰別有威儀界無礙無爲原自在塵情纖芥不留心坐感
萬神相護愛○大眾玄門消息事且好著心知修真須務本
本立道無虧不知道在本焉得達瑤池故君子務本本立而

道藏輯要

北斗延生經註解

卷

斗集二

道生欲求道玄且固基本本固求真易求真喪本難本真俱
有妙方得到家山且夫無爲則賴於有爲故知基本有相則
辯於無相要識當頭識得當頭破方開耳目聰元來真妙化
只在本身中須知擊石有火坑地卽淵思福當善斷因滅緣
解渴必水敵寒則綿進真成道慎過無愆但人能精進持誦
念道思真善功不退行滿功成吉祥集降神沐浴逍遙永享太
玄矣咄勝景謾誇三島有滿懷風月更脩然

頌曰

重樓華館湧靈泉

中有丹皇號自然

混育鬱羅開大有

冲虛金鼎運真玄

陽神保鎮三明地

陰魄降擒六洞天

莫向枕邊迷幻夢

恐孤寒月滿漁船

卽說北斗咒曰

北斗九辰 中天大神

上朝金闕

下覆崑崙

調理綱紀

統制乾坤

大魁貪狼

巨門祿存

文曲廉貞

武曲破軍

高上玉皇

紫微帝君

大周天界

細入微塵

何災不滅

何福不臻

元皇正炁

來合我身

天罡所指

晝夜常輪

俗居小人

好道求靈

顯我尊儀

永保長生

三臺虛精

六瀉曲生

生我養我

護我身形

魁魎魍魎魍魎尊帝急急如律令敕

道藏輯要

北斗延生經註解

卷

斗集二

頌曰

玄牝樞機列化神

薦登真理沐洪恩

祥煙塞斷迴遑路

新月開通樂逸門

正炁攝生安禹稷

靈源保育運崑崙

七元不昧流光照

萬聖來前衛我尊

老君曰凡人性命五體悉屬本命星官之所主掌本命神將本宿星官常垂蔭佑主持人命使保天年凡俗無知終身不悟夫本命真官每歲六度降在人間降日爲本命限期有南陵使者三千人北斗真君七千神將本命真官降駕厭真悉來擁護且夫道育天地之根炁補五行之用物盜天地之靈以成茂

人盜萬物之精以求安故三才五行人倫命物皆非道不生
故非道不立一切萬物皆不出於大道者矣故以道含萬彙
人悟一心萬彙播經非出於道一心變用莫實於真凡欲學
道歸真修身保性者當務於真實故天實可運於日月故地
實可載於含靈人實於諸世中自然大道之真可成就無漏
也故真心實行道則無虛以成真若頑心不戒聖功何以達
玄門一切行業當要實功我玄極之大道用而有真奈浮世
迷人看之若假嗚呼但淺根薄行之眾生豈信玄門別有幽
極之妙理唯只樂情慾爲歡競浮財而作富見言邪慾爭競
欲聞聞說真空如起讐妬謗玄門若泥沙貪非爲忘性命玄

道藏輯要

北斗延生經註解

卷

斗集二

真妙理隔萬重之煙水苦海迷津何時得越於道岸哉以此
爲凡夫無知自身不悟故我太上啟無爲之金口吐濟物之
玄珠指三天之有路塞九夜之無門利益羣生恩沾眾品誘
上善成天真引中下歸正道教演三乘經垂萬化蓋爲眾生
種性不同根器各異說上乘化上根有中下之人必不能達
於此理爲縛心鍊性默默無言綿綿用道進無形之理慕無
像之真非上根無由達理故說中乘下乘用外緣而引見內
真說有相而辯於無漏矣且如本命真官每歲六度降在人
間者謂六十甲子所屬生年之日卽爲本命每年有六次逢
值卽是本命下日也其日有常生本宿星官本命神將下降

世間觀察善惡兼有南陵三千使者北斗七千神將俱來擁護此日卽宜齋戒禮誦懺悔祈禳敬眾眞欽崇本命當得災咎消除命年遐永矣或謂南陵使者三千人者乃離火之象丹陽之宮三陽爲三魂動則神靈生而主於心也心能禁制形神使不亂也北斗七千神將者坎水之形黑陰之府七精開七竅通則光明徹而主於腎也腎能慎固精氣使不壞也此乃人身中本眞所在之處因眞元在谷則得三尸七魄六欲九蟲悉皆順道而有萬神服眞盡來擁護此乃道之實也咄會得太玄消息意泰山變作玉京山

頌曰

道藏輯要

北斗延生經註解

卅

斗集二

愛河岸瀾浪迷天

且好抽身上法船

制得耍猿眠弄徑

任教意馬走芳田

達開玄理頭頭道

悟到幽機處處禪

月夜獨吟高舉棹

家鄉掩映古峯前

可以消災懺罪請福延生隨力章醮福德增崇其有本命限期將至自身不知不設齋醮不修香火此爲輕生迷本不貴人身天司奪祿減算除年多致夭喪迷誤之者雖遇經訣懷不信心毀謗眞文如此之人身謝之後淪沒三塗漂沉諸趣永失人身深可悲哀自致斯苦

竊惟求煙而近木救渴而近泉戒非而近善惡愚而近賢夫

木性非炎鑽之則火出人心逐慾戒之則道生非賢勿辯愚
非泉勿釋渴非正勿知邪非真勿知假以假顯真以邪知正
且如玉臺懸寶鑑輝輝其中豈汝有形骸秉大道玄玄於中
何爾無失寶鑑本真內現者虛假形骸元假中隱者乃真當
以心鏡拂拭絕纖塵性合道兮周沙界大道無物不包含性
則無心而不亂萬物已知爲假一心獨照爲真若取物用之
樂道無由若離物言之登真沒路是乃引目海涯忽觀桂月
閑遊山徑頓覺松風因惡而可從善爲假而可知真因凡則
知聖因苗則知根且以凡夫在世眾生不以假物指真如何
辯有像不以法相傳空如何識無形故以聖人垂化用於未
道藏輯要

北斗延生經註解

圭

斗集二
八十一

悟者也故太上曰知者不言言者不知是也若有我等一切
凡夫眾生悟斯大道知本命限期持此玄經進步仙階能精
修不退者自然福德增崇若不進立功輕生棄命之徒當自
性入別骸心攢萬苦灰河明報何時敬鐵城拘囚甚日休爭
如好憑一智登天路莫順三尸作地囚

頌曰

隨力修真則見真	苦修多作始初勤
當須要辦真實行	方入無爲自在門
業海省無千里岸	蓬山迷有萬重雲
漁燈照處寒江靜	鷗鷺驚飛失舊羣

若本命之日能修齋醮善達天司一世於本命限期開轉真經
廣陳供養使三生常爲男子身富貴聰明人中殊勝

蓋聞情起乎物識起乎心欲情起則三山作羅酆情欲滅則
九夜爲玄府大抵羣魔眾苦緣甚而來八難十纏爲何而至
欲物乃羣魔眾苦之根亂性乃八難十纏之首欲乃本無根
目乃欲之首魔則本無礙心是魔之因故五音令人耳聾五
色令人目盲陰符經云瞽者善聽聾者善視絕利一源用師
十倍三反晝夜用師萬倍是也蓋萬緣千行皆出於一心也
又云柳綠桃紅乃眼前之幻化風清月白是劫外之生涯若
寂照太微則神生丹闕如昏迷世慾則魄墜寒池諸塵諸漏

道藏輯要

北斗延生經註解

圭

斗集二
八十八

萬種萬端只要於假內認元初這箇於無中覓實有容儀則
可以行大道也○大眾乃以目前境界浩濶多端俗態迷因
般般無盡七情六欲五鬼三尸化邪慾誑爾入迷河用俗樂
唆君歸業海種種禍臨何如奈忍但當降其心而羣魔自伏
戒其慾而眾苦消除心滅則萬法皆滅情生則眾苦自生入
道玄門幽關夜府路本一條剛行兩徑神靈射九夜開光魄
散昧三山閉黑天堂之樂地獄之囚爲非之果作善之由皆
隨靈臺而變化從智性而出現者也若有眾生能知本命之
理清靜齋戒滅於塵漏其善功超達天司獲相貌端嚴位登
真人得越苦海皆因降心伏魔從善戒惡可登仙界逍遙不

致幽牢拘鎖若有持經辦道之士遵依太上之文不犯聖真
之禁得道成仙乃蒙恩先聖將何以報之故證道歌云粉骨
碎身未足酬一念了然超億劫是也只要慕道了然心滌無
垢便爲不負天地之理也咄鑿開石壁無遮障萬象森羅掌
內觀

頌曰

玄靈大慈濟牢籠

廣化三乘悟太空

目下自知宜取用

雲中他說莫尋蹤

桃溪柳岸君家事

桂月松風我祖宗

堪笑幾多學道者

却貪塵景走西東

道藏輯要

北斗延生經註解

卷三

斗集二

其有生身果薄雖在人中貧窮下賤縱知本命無力修崇能酌
水獻花冥心望北極稽首禮拜念本命真君名號者亦不虛過
本命限期皆得延生注福繫係人身災厄蠲除獲福無量天師
歡喜踴躍作禮讚歎難可得遇無上法橋

夫水性至平浪因風起人心本靜動自物生物不著矜情不
生心常虛兮欲自滅愛欲起於心形神喪於物漫漫業海不
歸岸而一任漂流黯黯羅酆競涉路而從教險峻直待失時
方覺悟日中扶影謾惆悵○大眾貪愛狂迷癡怪恣惜愚人
不悟此乃喪性命之因迷真玄之本俗樂貪迷非君之益道
心開發乃我之榮雲霞幽洞閉日月之光麗閣華堂照星霜

之變物外離塵境界別有逍遙世間虛華俗樂豈無患害凡
修真鍊性者當要十二時中一百刻內行坐施爲清淨身心
常立方便自然累功積行善達三天登真得道矣故太上有
曰進善若偷是故於塵世之中和光順時隨緣立善若言善
不行善則證道無門見非能戒非則登真有路凡欲修真學
仙之人當建真實之行也且如世間貧賤高下然各有等差
大道真空則實無分別有肅智清心而進道有陳幡列像以
祈恩善立各門恩成一路世情有富貧之間天心無高下之
分但能起一念進道爲善之心外則天真地神祐之內則元
命形神樂之自然災厄蠲除獲福無量是時天師得受是經
不勝欣喜天師者秉道輔正曰天之師迷真逐邪曰地之鬼
故悟真大道之人正可謂得遇無上法橋矣此一神秉正無
邪謂三界逍遙總在渠

頌曰

柳岸分明橫法橋

迷來恰似路迢迢

煙飛江浦山光淡

日照幽村野色消

幸是本來無著相

強教今日話匆匆

不知迴首人間幾

月白風清我獨招

老君重告天師曰世人罪福善惡皆屬

天司懺罪消災莫越修奉遇本命生辰告身中元辰驛馬削落

道藏輯要

北斗延生經註解

卷

斗集二

三災九厄保見今眷屬安寧

原夫天地無象道隱於混黃日月未形炁含於太樸一炁足而黃中理太樸散而物始生三才布化於羣靈六運吹噓於橐籥寒暑遷變律呂和彰上散日月之晶布其星辰下凝清濁之滓列其邱嶽產育萬物滋長羣生人盜萬物致寧物耗人兮致道春茂則秋衰有生而有滅若不形而不像亦無死以無終○大眾眼睫不達於目視見弗然大道只在於心修之豈識雲宮梵闕寶苑騫林將有相而識於無相仗化緣而知於空緣因有爲則至於無爲爲有相而得於無相靈臺不昧道應明塵積昏朦神必暗靈竭精遺形病身亡三魂渺漠

道藏輯要

北斗延生經註解

卷

斗集二

空於陰路太悠悠百節形骸謾向芳坵寂黯黯饒敵一國之富此日那榮空傳六印之名於期何濟世之迷愛慾而多失元辰縱貪婪而廣沉驛馬目視桃紅柳綠不知空色之由意隨蝶舞花飛豈別因緣之分於海波濶遠處旋渦中宛轉甚時休在山石深厚地雲穴內亂竄何日止但世人惡濕而居下畏死而貪生不知生者死之根過者禍之首自當畏濕而居高貪生而脫死恐禍而愼過防患而戒非自然逍遙爲陸地之仙也且夫眾生作非犯禁累成過咎何法得免何計得禳在乎悔省前非永絕後過精思太玄恭勤敬奉自己身中元辰驛馬可得削落三災九厄保見今眷屬安寧如何是告

身中元辰驛馬蓋元者始初也辰者真象也驛者宅谷也馬者頑獸也欲請福當禱祈參求本來元初同大道合天地運日月齊山嶽通幽達玄無爲無礙這箇元辰悔過遷善便可消災度厄矣能縛自身宅谷中意馬心猿得住自然萬災不干羣邪稽首則得逍遙三界乃證立立者矣咄自身驛馬擒降住方得元辰落九災

頌曰

莫繫元神五蘊山

就中虛幻事多難

迷雲常惹靈臺伴

愛浪頻潮丹闕間

九厄漸生猿馬旺

三災轉起鬼神頑

道藏輯要

北斗延生經註解

卷

斗集二

誰知照見真消息

風月依依雨不干

凡有上士於本命生辰持此真文書外像魔精內安真性功霑水陸善及存亡悔過虔恭漸登妙果重立立功證虛无道乃得聖智圓通隱顯莫測出有入無逍遙雲際昇入金門與聖合真身超三界永不輪轉壽量無窮快樂自在

且夫善惡之各異皆出自於所爲禍福之兩途乃實因於所措大抵幻魔縱則愆必積心業滅則罪亦亡雖知善惡禍福如影逐形莫可逃之且世間凡夫眾生不知何以至親何以至大雖知惟道至大惟命至親今乃知道大命親何以求之何以護之須知樞之自輪綱之自紀一心攝正萬法無邪親

者不能敬焉能敬其踈內者不能悅焉能悅於外則敬親廣
兮踈必善之則悅內加兮外必推之是故可正於一身自然
弗令而順之者也○大眾何如龍吟虎嘯昇沉於丹鼎之中
鬼哭神號奔竄於黃宮之外可得證虛无之道壽量無期快
樂自在逍遙三界昇入金門與聖合真矣咄身到曲溪煙月
岸楚峯山色轉分明

頌曰

玉虛臺畔舊圓融 無礙無爲萬古同
只爲情迷生滅內 拘縻真覺去來中
皆因執有還著有 縱得依空又落空

道藏輯要

北斗延生經註解

卷

斗集二

空有可於方寸鑒

自然展轉顯神通

凡有男女於本命生辰及諸齋日清淨身心焚香持此真文自
認北極本命所屬星君隨心禱祝善無不應災罪消除致感萬
聖千真俱來衛護此文所在之處千真敬禮萬聖護持魔鬼潛
消精靈伏匿世有災殃悉皆消滅

且夫大道難稱立功罔測需洪恩則敷於萬物布妙化則徧
於八紘有品咸亨無物不載然而道無不載廣施有用之恩
物遂生成大啟無爲之化又曰有用之空非有用無爲卽色
豈無爲用爲要識其中理方脫輪迴興嘆悲而知天地蓋載
其恩彌焉日月照燭其恩亦然大道化身其孰固憐不知身

之以國命之以君靈之以本氣之以臣縱妄想而迷五色隨貪愛而滯六塵須知君愛敬國之昌靈氣沖和身不亡臣子忠君君愛臣家邦從此轉興榮變夷縱有多凶勇自是無由敢戰征大底以和成晏以正攝邪一念頓息萬緣俱忘若起一念之因應受三塗之報則有過去未來見在捨身報身受身迷不知涉於深淵貪不知步於峻嶺兀兀如癡昏昏若夢起無明業火毀焚樓閣之嚴缺有漏迷津散蕩真元之理是以眾生斯之廣矣凡有男女於本命生辰及諸齋日清淨身心焚真寶香持念真文自認北極所屬星君隨心禱祝善無不應災罪消除鬼魔伏匿願我含生同離業果者矣咄七真

道藏輯要

北斗延生經註解

夫

斗集二
上

拔苦尋無地一念忘時別有天

頌曰

萬疊雲山聳翠華

分明歸路本無差

爭知只恁他鄉好

不顧終非自己家

去執乃爲真懺悔

忘貪便是大丹砂

降心得入幽微徑

笑看溪風送落花

是名北斗本命延生經訣乃修真之徑路得道逍遙皆因此經證聖成真皆因此經出離生死皆因此經保護男女皆因此經保命延年皆得自在永爲身寶福壽可稱保而敬之非人勿示凡修道者皆憑於保真鍊性之理也乃知昧性者禍有多焉

悟真者福無少矣善惡施爲皆惟然於心也禍福可鑑皆惟然於智也蓋凡夫在世動念施爲行藏舉止禍福善惡互相交錯其間分別者在乎智也故以有善卽進而從之遇不善當退而戒之退不善可立於功戒爲非勿失於德可見於玄門矣空言退惡不立其實功說進善弗行其實德希夷之門性相之理何由達於此也乃以聖人垂經譬如日月之光輝能破黑暗視現萬物明照諸方使一切眾生未知者知未見者見其功皆爲天之德也我太上說此經教亦同日月咸使凡夫知登真入道之途脫苦海輪迴之路其功皆爲於聖之德也乃以眾生之性亦與日月之同洞照太虛纖塵不染

道藏輯要

北斗經生經註解

卷

斗集二

頌曰

玉壺壺內隱玄玄 欲識須當縛要猿
功行切宜都總備 聖真方得兩皆全
劫終不壞飛仙島 物外猶存豈梵園
悟道從來幽妙理 玄微極處只無言

老君說經將畢龍鶴天仙來迎還於玉京是時天師受得妙法而作是言誓願流行以傳善士若有男女受持讀誦我當與十戒仙官所在擁護

原夫天無私而勸於善也斯有道則福無形也人惑欲而從其用也斯有數則福臻中也若以所得其中則福祉之來也不可禦又奚慮其豐極也若人所以失其中則豐極之至也不可逃又奚望其福祉也蓋以善惡因由如行車之轉輻如谷聲之應逐還報然而何以免之君不見芳英滿檻難逃九月之霜金玉盈堂怎免百年之限人身幻體終於浮世豈長存罪戾增崇定是冥途繫永久何如開神光射破八門關掃氛氣高昇三界府奈何眾生情迷諸漏性積多愆於濃濃浪裏走無停向靄靄雲中迷不省可嘆三尸六鬼得勝喜容容卻嘆四大百神勢虧愁慘慘雲宮仙府去無門曠野荒坵應有分將玄真浩散逐悲風把靈魄飄悠涉鬼路平生冤業見前來空悔問君何去住故太上曰上德不德下德執德執著之者不名道德夫執著邪見遇啟正觀可敵羣魔握權天地指勅萬神役祛三界之樞機也且以囂塵廣厚迷障昂高未能飛步於青雲何引凡軀於碧落如何向五苦八難之中到三島十洲之外但於方寸之間馘邪魔奔遠於寰區之外晏忠良弼輔於朝握之中自然神昇超世道合自然而然出入

往來無繫無礙自在逍遙矣是乃太上垂濟物度迷之法普徧萬方周流三界於是令天師傳授眾生咸離苦業俱入道真持授歸依通玄究妙洞觀無礙超入法門自得十大仙官胡衛修真抱一之身矣咄一心摧斬諸魔鬼眾苦翻爲十善神

頌曰

眾流分派育羣生 雪月輝光雨霽晴
千浦浪渾千月暗 一溪波靜一輪明

元同真處異何異 只爲迷來成不成

卻笑落花飛片片 野禽由自弄多情

道藏輯要

北斗延生經註解

全

斗集二

於是再拜

老君而說贊曰

家有北斗經本命降真靈

頌曰

瓊文奧旨甚叮嚀

爲恐眾生落夜局

故說太玄玄妙理

指開頑識識空形

祥風灌透黃華館

慧月光輝丹界亭

運取聖功非內外

神明應是降真靈

家有北斗經宅舍得安寧

頌曰

誰能頓解悟真經

遣去凡情護我形

鍊性保神精養血

固根離愛氣和靈

泥丸運得開明月

液海應擒照鑒星

六識若降無患惡

自然宅舍得安寧

家有北斗經父母保長生

頌曰

勤修妙相體圓明

方寸休教染垢塵

默默施爲仙行業

綿綿進用道功程

十華定舉標金格

五老須從註玉名

皆得一身持戒善

慶敷九祖保長榮

道藏輯要

北斗延年經註解

全

斗集二

八〇三

家有北斗經諸厭化爲塵

頌曰

但能常靜暨常清

天地咸寧萬法明

谷神長存開玉蕊

刀圭乃得產金晶

寶壺騰瑞龍蛇戲

壽鼎飛光鬼魅驚

若取聖功頻煅鍊

自然諸厭化爲塵

家有北斗經萬邪自歸正

頌曰

心猿縛住入玄幃

妙相莊嚴自此威

幹轉玄關塞地穴

驅回妙範奪天機

慧鋒誅斬妖魔盡

法印宣威魍魎稀

蕩蕩滿懷風與月

萬邪稽首自歸依

家有北斗經營業得稱情

頌曰

方寸修持坦坦平

塵緣都沒半毫榮

三尸計攝歸玄理

六賊機圖滅怪猙

現出曲溪山月朗

透開春色谷風清

不知這箇生涯事

誰肯經營得稱情

家有北斗經闔門自康健

頌曰

道藏輯要

北斗延生經註解

全

斗集二

不在驅驅度遠關

道迷雲外得應難

神光只照無爲路

法眼休觀有礙山

朱閣玉樓真造化

清風明月樂脩間

幽菴活計人能會

從卻菴疎主亦安

家有北斗經子孫保榮盛

頌曰

空洞靈臺瑞藹清

汪洋和氣徧區紘

雲巒砢砢神風冷

煙舍蕭蕭皓月明

野叟笛吹無事韻

牧童歌唱太平聲

自從認得山家樂

姪女嬰兒展轉榮

家有北斗經五路自通達

頌曰

綱紀經綸事業興

忠心匡國輔高明

未容讒佞食君祿

常許功勳作帝卿

宇宙既能施正化

江山應是肅然清

同瞻聖主巍巍德

載路通亨賀太平

家有北斗經眾惡永消滅

頌曰

誰肯調馴猿馬情

免教奔竄誤前程

對他桃李舒晴日

收拾生涯隱故京

道藏輯要

北斗延生經註解

全

斗集二

好是雨餘山色淨

只愁雲暗月華明

若能但把俗情滅

眾惡何由得自生

家有北斗經六畜保興生

頌曰

識得浮華事可驚

便宜迴首捨凡情

任從目下般般冗

不運心時灑灑清

活計勿虧應有盛

功名休怠不無成

也知別更求何利

六畜寧來主自榮

家有北斗經疾病得痊瘥

頌曰

一念休教業所牽
百關調暢保延年
勿令真氣時時損
常使靈源日日添
龍虎不能停戰鬪
坎離豈運自團圓
不須草木奪神理
定是災除樂泰然
家有北斗經財物不虛耗

頌曰

這顆玄珠無價酬
眾生皆有不能收
本如明月澄江水
元若清風動素秋
且好牢藏先準備
莫教散失後成憂
金門玉戶宜常閉
免使狂猿起意偷

道藏輯要

北斗延生經註解

金

斗集

家有北斗經橫事永不起

頌曰

迴光返照滅塵心
莫負玄門振法音
只在目前分造化
休迷雲外別搜尋
寒巖月朗山猿唳
谷樹花芳野鳥吟
若肯的然行此道
非災何爲得能侵
家有北斗經長保亨利貞

頌曰

莫將無漏等閑輕
好慕真空進妙程
常託赤松爲取用
每從蒼昊變虧盈

分開羃羃陰雲翳

現出輝輝皓月明

打當塵囂無半點

忻哉長保利亨貞

老君曰善哉善哉汝可宣揚正教福利無邊普及眾生永霑勝善

解曰碧天秋霽夜無雲月影輝輝落水濱爭奈怒風來太惡
沸波搖散玉華輪切謂猿心顛要宜調伏於玉洞之間馬意
劣頑可繫縻於立山之下野外多春草山前足異芳馬猿還
不繫逐景定奔狂境界來時無準備柳煙深處定迷蹤柳塘
花塢春明麗牽引時人翫景遊信步不思歸去晚急迴斜日
過江樓謂浮生幻化那堪日月如梭幾處虛華更嘆韶光似

道藏輯要

北斗延生經註解

卷

斗集二
上八

水忍造愆非魂沉寒夜不知省悟魄墮幽陰切以金鐘高架
木不扣兮終日無音寶月空懸雲不蔽兮通霄仰朗譬若心
不動兮性常定外不入兮內常安內安則萬法皆明性定則
羣魔自伏何幽不燭何化不行奈爾凡夫昏昧真性縱情縱
慾轉輪六道之中何德何修甘墮九泉之下月館松溪無戀
意囚牢火宅競鑽頭只於苦海貪榮辱辜負真元逐浪流破
諸塵漏緣覺聲聞逐景沉迷量因生滅迷誤不省競著羣情
自沉苦趣失人身何日再重登道岸深蒙太上重演真詮普
濟眾生永霑勝善咄太上善哉真法語眾生普福利無邊

頌曰

圓融妙相本莊嚴

大需玄恩無背偏

萬物俱蒙真造化

羣靈咸隱太幽玄

龍蛇有寶非奇特

天地無恩實可憐

識破用中無用理

剖開混沌見機權

天師稽首禮謝信受奉行

註曰道徧十方澤沾萬彙化育含靈混成眾類細入塵沙大
包天地日月之綱陰陽之緯用之則輝背之則昧隱顯隨機
變通量器智者乃符非人勿示輕則匪臻敬之必至故立玄
門識真辯偽普使超昇咸辭溺墜功就行成神飛仙位願我
眾生皆逢正義慎之慎之無二無二

道藏輯要

北斗延生經註解

全

斗集二

頌曰

千經萬論破癡迷

更不迴頭待甚時

業海自今宜出浪

罪山從此好平持

心間未及於人計

意下先除潤己私

道德兩全功行備

煙霞獨步樂無爲

太上玄靈北斗本命延生真經註解